

VENDIM
Nr.696, datë 19.10.2007

**PËR MIRATIMIN E LISTËS PARAPRAKE TË PRONAVE TË PALUAJTSHME PUBLIKE,
SHTETËRORE, QË TRANSFEROHEN NË PRONËSI OSE NË PËRDORIM, TË BASHKISË
VAU I DEJËS TË QARKUT TË SHKODRËS**

Në mbështetje të nenit 100 të Kushtetutës dhe të neneve 2,3 e 17 të ligjit nr.8744, datë 22.2.2001 “Për transferimin e pronave të paluajtshme publike të shtetit në njësitë e qeverisjes vendore”, të ndryshuar, me propozimin e Ministrit të Brendshëm, Këshilli i Ministrave

VENDOSI:

1. Miratimin e listës paraprake të pronave të paluajtshme publike, shtetërore, që transferohen, në pronësi ose në përdorim, të bashkisë Vau i Dejës të qarkut të Shkodrës, sipas lidhjes nr.1, e cila i bashkëlidhet këtij vendimi.

Lista paraprake, sipas kërkesave të këshillit të kësaj bashkie, është pjesë e listës së inventarit të pronave të paluajtshme publike, shtetërore, që janë brenda juridiksionit, territorial dhe administrativ të bashkisë Vau i Dejës të qarkut të Shkodrës, miratuar me vendimin nr.468, datë 17.6.7.2004 të Këshillit të Ministrave “Për miratimin e listës së inventarit të pronave të paluajtshme shtetërore në bashkinë e Vaut të Dejës”.

2. Ngarkohen Ministria e Brendshme dhe bashkia e Vaut të Dejës për zbatimin e këtij vendimi.
Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

Numri rendor i pronës në listën e inventarit	Fusha e përdorimit të pronës	Lloji i transferimit
1-13	Prona që përdoren për realizimin e programeve arsimore	Në pronësi
14-20	Prona që përdoren për realizimin e funksioneve në shëndetin publik.	Në pronësi
31-311,319	Infrastrukturë (troje të lira)	Në përdorim
24-30	Shërbim funeral	Në pronësi
21-23	Prona që përdoren për realizimin e programeve kulturore.	Në pronësi
440	Kullota komunale	Në pronësi
325-331,334,335,337-342,	Zhvillim ekonomik	Në pronësi
312-318,566-828,831-833,836-838	Infrastrukturë (rrugë vendore, lulishte, trotuar).	Në pronësi
552,553,903,909,911,918,923,924,896	Prona që përdoren për ushtrimin e funksioneve në fushën e bujqësisë dhe të ushqimit (toka joproduktive kanale të treta).	Në pronësi
541-551	Prona që përdoren për ushtrimin e funksioneve në fushën e bujqësisë dhe të ushqimit (toka produktive).	Në përdorim